

蛻巖先生文集


二

柳田文庫

文庫11

A1251

2



文庫11
A 1251
2



蛻巖集卷之二

赤石儒學 東都 梁田邦美景鸞著

男 邦彙變夫輯

五言律

甲辰元日

使君在武昌東望想青陽
邸第雲霞色衣冠蘭茝香
遊龍橋上度鳴鶴殿前翔
千里行春令春風此奉揚
海樓春望

淡島橫南郭雄峰擁北林
春樓茲極目落日一傷心



010190526572

沙路艸蒿綠，煙村花木深。江山雖信美，杯酒必鄉音。

冬郊望

郊原十數里，白草委黃泥。片雪危峰角，斜陽寒樹西。
漁樵分伴去，狐兔畏人迷。安得此觀獵，醉來譚鼓鼙。

錦

將幣千純富，開箱五色濃。貝文春藻動，翠彩鮑霞重。
金殿奪袍立，紅閨織字封。何當驕晝日，歸照故園松。

九月朔有感

元祿中在東都作

江左豪華地，秋深不暇悲。才名關意早，榮影照書遲。

土木朱門道，魚鹽青艸湄。西風佳節近，何處問東籬。

蝶依艸

原艸軟如織，春來宜爾棲。弄鬚風裏立，護粉雨中迷。
碧玉狡猊眼，急流驟馬蹄。裴徊能避害，微命托萋萋。

月中螢

青焰不知息，抗然照月中。竹根臨淺水，柳處亂微風。
書案爭分影，羅衣誤撲空。高飛休漫去，上有廣寒宮。

水府安積氏老圃七覽

碧於亭

梅卷傳芳址，春波撼水亭。高花巖際白，疊嶽檻前青。
暮雨漁樵路，朝霞鳧雁汀。箕川墟里近，巢許或來經。
紅藥欄

種出鳳凰城，雕闌此擢莖。黃絲含露重，絳帳向陽明。
五味終期合，萬花敢鬪榮。非關溱涓贈，自是故人情。

蟠藤岡

岡有古藤樹，婆娑柯影重。龍蛇辭大澤，雨露托長松。
能使女蘿讓，肯教薜荔從。花雲頭上覆，玉冕想儀容。

涼月榭

一簾新雨後，浴罷坐松颺。雲馱流妍月，簟涼起綠漪。
玉壺長對影，蘭榭復舒眉。夜景清如水，露華衣上垂。

採蓮步

仙吏住仙坡，秋臺臨水濱。聊將攀桂手，故作採蓮人。
葉密紅鱗戲，花深翠羽馴。飄然廬社外，脂粉更無因。
黃花塢

春圃栽培久，秋芳左擘敷。孤松同勉節，百菊入新圖。
霜菴携筐待，風莖編竹扶。南山歸鳥夕，留客坐鸞旣。
老蒼園

鍊腸能賦久，花發復何如。星炤羅浮外，雪分梁苑餘。
一枝臨石秀，半影隔牆虛。百載高樓笛，春風不負初。
和河間生秋過楠子墓作

榷楠支大厦，天日炤孤忠。丘隴蒼蒿在，古今感慨同。
駿材思冀北，龍德望隆中。不見旌旗色，秋花颭水風。
夕陽僧

日夕歸山寺，林林返照殘。風橋叢影動，沙路屐聲乾。
橘柚簷前色，枇杷磴上寒。裴回逢道侶，共作畫圖看。
擬寒夜江口泊舟二首

江海判年，客孤帆萬里。情青楓離楚岸，白雪近秦城。
夜纜依山短，舟燈射水明。柁樓吟不穩，擁被聽潮聲。
遠船明細火，知與我同愁。鷺宿寒沙岸，鶴啼海驛樓。
踈篷防雨霰，窮歲感浮休。欲曙春風入，長年笑語啾。

獨鳥

在加納作

嘶蟬喧落照，獨鳥逐歸雲。暮色城陰黑，秋聲竹處分。
壯心年覺減，世事日慵聞。千里故山月，叢蘭想已薰。
余有兒萬虎甫，八歲今茲秋。又得男命之日，千
熊泉南，唐金氏有詩見寄次韻答之二首

往歲得於菟，今年繼以熊。二雛娛目下，百榼澆胸中。
煙霧含輝晦，海山抱勢雄。願能茲鞠育，不與俗羣同。
腐儒甘麤糲，世味忘魚熊。孟案蘆簾外，韓檠竹屋中。
嗟吾徒老大之，子或英雄小字聊。中命抗然謝魯同，
咏孔雀

飲啄甘蠻瘴，文章萬里傳。掠山驕翠羽，臨水護金鈿。
荳蔻花間露，桃榔樹裏煙。樊籠充獻貢，翻似客南遷。

田家春望二首

雪消麥隴分，啼鳥隔溪聞。茆舍背芳樹，巖梯倚煖雲。

兒童催社鼓，父老候天文。亭午多春餉，耕牛知幾羣。
一雷驚蟄後，微雨濕春簑。畎澮流漸盡，陂塘細草多。
鳥獨穿竹，吠黃犢傍墻。過何處，村醪熟，醉聞擊壤歌。

臘月小集咏鳳凰

一別東園竹幾年，覽德多雲銜丹穴。日春入玉池，波
不復回。鳧雁何曾墜，網羅頽川仁化久。休唱楚狂歌，
擬冬送人遊邊

十月幽并道，客衣何自單。黃河水上渡，青海霧中看。
竒策參誰幕，壯心衝爾冠。隲行晨飲馬，已是窟泉寒。

海日

五夜天光發，扶桑煙霧開。炎精蒸海，出春氣熨波來。貝闕龍王拜，審淵鮫客回。紅霞松嶼外，誰坐赫曦臺。

春郊望

鳴雉聞青野，晨光白露繁。雲停山氣暖，雪盡澗聲喧。垂柳橋邊寺，高花竹裏村。遊人隨處在，春色滿芳樽。

巨川長流爲會津大夫西鄉氏賦

蒼鬱稽山，麓魚龍噴。作波九霄通，絳漢萬里配。黃河舟楫良材在，雲霖美德多。矧君流水，曲春調發。陽和

寒月

開戶望寒月，可能被酒行。燈光沈海寺，霜氣繞巖城。溪竹馴龐伏，喬柯羈鳥驚。衾閒坐久，鐘鼓報殘更。

秋雨同諸客遊密藏院

微雨蓼花渚，淡煙竹箭村。板橋通野寺，巖磴上山門。僊梵風潮近，古龕龍象尊。雲芽秋水味，無意問清樽。

中秋雨

清光連夜好，已恐失今宵。林暝雲將雨，海鳴風送潮。無因攀桂窟，何處問蘭橈。不寢如孤客，青燈照寂寥。

秋過岡氏林亭三首

秋郊晴日好，緩步傍寒谿。經雨木綿老，受風蕎麥齊。
初來如熟路，僻處有幽棲。倒屣迎相揖，門深一鳥啼。
山牆蘿薜古，高樹蔭秋池。風定鉤簾後，雲歸行酒時。
更憐人似玉，不愧髮如絲。百載金蘭契，此心松菊知。
軒牕通表裡，夕日照梁斜。碁罷望山色，酒酣對菊花。
耕牛溪上道，浣婦樹邊家。諸伴無歸意，杳然乘海槎。

辛丑秋十五夕雨有感

今茲夏我先君捐館舍

江天何闇澹，欲暮已無星。風水驚山郭，雨雲鎖海亭。

情多詩匠就，興淺酒應醒。願使光輝繼，千秋桂樹馨。

多聞院席上和穗文卿

山中霖雨霽，夏氣滿青林。香閣連雲起，禪扃通徑深。
巖苔留伏鹿，風鐸和鳴禽。終日招提境，玄譚好洗心。

江上晚眺

菰蒲十里，汀潮色浸天。青過雨淡村，樹斜陽攝客舡。
故園悲淼漫，霸跡悵英靈。坐久山山暮，鐘聲不可聽。

和滕鳳陽病起見寄

思君寒雨夕，墜葉亂荆扉。江近潮雞早，城高塞雁稀。

會聞原憲病，且喜卜商肥。華髮空搔首，不堪暮景微。

三月晦席上和韻

風雨豔陽盡，庭柯綠欲交。抱花雙蝶宿，啄木一禽敲。
不羨韋家樹，祇安徐老巢。陸沈君莫笑，澹飯當春肴。
有所感和端禪師韻

一去本覺鄉長爲穢土，客因緣入空門。業識安火宅，
迷花醉紫紅。守錢爭十百，邈矣閻王宮。人刑已訶責，

春江勉望

俯瞰大江流，春暉不可留。潮來芟艸際，月出柳梢頭。

白鳥明孤嶼，綵霞落遠舟。一聲漁笛起，使我憶清秋。

秋過伊東里宅

相逢東里子，溱洧問秋灣。雲變文章色，霜來草木斑。
門無題鳳去，厨有饋魚還。縞帶憑誰請，高山不可攀。

和滕鳳陽歲首韻二首

京塵寧浼爾，山意等山居。花竹占春早，軒牕生白虛。
雪留長者轍，檠照異人書。矧此難兄弟，連牀情不疎。
海樓春霧散，悵望憶君吟。夢裏芝蘭室，風中山水琴。
梅花勞驛使，柳色問鳴禽。定識冠童侶，詠歸鴨綠潯。

臘月望過義林菴

窮臘多人事山房占寂寥
寒花衰艸路古木夕陽橋
雲在聊留錫風來或棄瓢
慙吾名利窟徒使鬢華凋

水田鷺

一別菰蒲岍平田千畝空
翅垂林下雪絲亂水南風
鷗社何相背鷓班未遽
同滄洲看欲暮行矣上青穹

壬子歲勉書懷四首

海紅花未老雪白鱖應肥
薄酒迎人笑寒扇擁箒歸
引泉修智井開簾補春衣
深竹東風度山鶯拂翫飛

陸沈其老死世事尚關情
西海施蝗孽東園帶鳳鳴
吾曹羞白面何術濟蒼生
願使徂年早謳歌春滿城
三冬無雨雪麩麥奈秋何
休問梅花早偏憂菜色多
徒教黔敖往能使啟期歌
聞說鐵山下夜林興白波
清晨誦伐檀豆粥稱儒餐
簿帳非吾事酒杯強自寬
鐘沈林寺暮燈淡水村寒
借問勞心者琴堂彈不躡
和滕元琰二首

觴子上下夜不上下日者尚月也
月午矣酒酣矣而無一詩譚論風生
徧身口頰皆詩也退而

筆焉為雙璧以貺之乃和韻答謝云

昨夜樽前客去年雪裏人風流披鶴氅鹿麕當猩唇
煙月寒猶淺梅花報未真依然誇播望淡島是南隣
忘年酬了了剪燭到更深賴爾剗犀手慰吾舐犢心
文章非玩物奎運矧逢今他日青雲路春風雅頌音

五言排律

乙巳元旦恭賦

震方陽德布海內仰儲明玉燭昌周道銅車朝夏
正藩邦盤石固翼贊廟廊榮淑氣彌青野餘霞炤赤

城鄂君春舫色宓子夜琴聲雨露覃陪隸謳歌頌太
平

癸卯元日

海南多淑氣闔郡壽千春銅虎專城久土牛迎歲新
流澌環畫舫旭日炤朱輪濟濟熊羆士區區蠅蟻臣
楚筵陪上客鄭粲讓賢人齒髮今如許可能一獻芹
魚登龍門

久抱雲霄志龍門千尺高金鱗何日變頰尾幾回勞
潑刺難為水飛騰肯樂濠攀援三級浪下視萬層濤

宿昔希溟鳥，卽今陋海鰲。寄言同隊侶，當向帝閭翱。
和谷子炳十六夕對月見寄韻

高臺多灑氣，憑檻瞰江清。蘋末吹十里，樹間出五城。
煙霏湘水暮，月露楚天明。坐久荷裳冷，醉來蘭棹輕。
絃歌應自喜，筆札使人驚。何日攀黃鵠，孤雲度大瀛。

和田何龍

今茲秋何龍，將從吾侯而東。七月十二夕，泛舟南浦同飲。蓋蚤其餞，也有詩見示，依韻和答。

清歌舒窈窕，月出紫煙開。禽影依山度，潮聲繞嶼來。
仙舟相徙倚，漁叟共裴回。草樹商飈起，關河客思催。
君侯征旆色，僚友歲星材。及此將分袂，忻然且酌罍。
未攀門外柳，已問隴頭梅。坐待榮旋夕，春輝炤舊萊。

和桂彩巖穴後寄林退省韻

昔穴及嶽僑挈妻子在四谷

谷口春耕畢，崑栖老蕨薇。山商馭笋出，里婦採桑歸。
門巷東西直，驛樓咫尺違。雲稜憐倦鳥，艸際想征騑。
巢窩且安幕，牀膚聊解衣。徊翔吳下市，辜負魯南沂。
掩袂冒朝雨，携茗拂夕霏。開荒通石徑，架木倚谿磯。

栢麝固攸尚，蓼蟲豈肯依。風騷讓國士，禮樂憶邦畿。
 桂子將圖霸，林郎已建威。蟾輪應共炤，螢燭敢高飛。
 馥蕙比芳芷，青琴儔宓妃。和音傳響族，折理入希微。
 雙壁相光耀，三軍可指揮。定知宜聖眷，詎覓梓潼祈。
 踈柳幽篁處，涼颼白月輝。長歌悲屈賈，雄辯斥斯非。
 銀管載何博，朱絃聽者稀。魚龍誇雜戲，綈罽弄凡機。
 吾愛竹林阮，誰當花樹韋。乳泉真慰渴，海棗此忘饑。
 矧賜瓊瑤色，頓生樗櫟輝。漣漪堂上起，霧露硯中晞。
 回首望遙靄，慙髯對落暉。氛收紅燼滅，樾茂翠屏圍。

慎竈胡為苦，妻兒不復欬。野禽雖易駭，原卉本無腓。
 毋論濡帷具，徒貽浣布譏。寬征焚室地，早勉徙荆扉。

季夏寄東禪萬菴師五十韻

昔于辭官加納在東都

江村通水驛，紺宇對滄洲。灑氣應先至，炎歊知早收。
 雲鱗含返照，霓彩帶危樓。海鶴夜中唳，風鷺岸際浮。
 菰蒲青不盡，竹箭翠如流。賈舶當門下，征驂倚樹留。
 回飈來殿角，仙梵響林陬。幡影北蛟走，杖痕老魅愁。
 碑礫珠串冷，苔蘚石龕幽。馴鴿許窺鉢，飛蚊容入幘。
 禪餘耽典籍，架上積墳丘。法苑英華發，詞林龍象遊。

浪僊張鶴陣，靈一割鴻溝。梗枯供材用，豨豕給獵蒐。
吾徒笑齷齪，斯道有螟蟲。拾腐弄芻狗，爭竒呈棘猴。
六詩垂範久，衆楚抗音咻。誰酌今兼古，能分薰與蕪。
多年聞白足，一面定青眸。仰觀垂雲翼，俯慙巨樹蟠。
異花飄塵柄，清籟繞茶甌。蘭桂已欣挹，桃李不惜投。
嗟予雕篆技，違彼廟堂猷。五斗折腰數，一朝謝病休。
水霜驚壁蟀，風雨困巢鳩。彈鋏撫衰鬢，挫鍼綴敝裘。
丈夫心未死，俠烈氣相求。燕市朝聽筑，剡溪夜泛舟。
冶遊經紫陌，痛飲醉青州。人謂豹迷霧，自憐獅弄毬。

玉人懷趙璧，劍客佩吳鉤。藏器匪無用，彈冠卻可羞。
葦簾諳錦帳，蠟屐當華輓。乞米裁新帖，採薪歌舊謳。
滿城犇競士，百載利名囚。附驥致千里，其鯖媚五侯。
文章鳴瓦釜，經濟握牙籌。苞苴多欺婦，笙簧半類優。
祝鮀雖合世，尼父欲乘桴。東閣懶投策，北山宜操耰。
空門清似水，宦路膩如油。賴秣支公馬，不鞭甯戚牛。
儒紳何闕異，筆鉞殆誅讎。逐鹿爭高手，亡羊搔白頭。
不如吾喪我，無論蝶爲周。造化沒崖岸，是非結贅疣。
三生巖下夢，微命水中漚。還俗翻多事，休官此得謀。

雲山期共老，騷雅約同修。爲報海東月，聊分天外秋。
用前韻答南國華

南南山之子，國華年甫十四，近和余寄釋萬菴五十韻見貽，嗚呼！天下必有是父，而後有是子，自非家訓之謹嚴，有範則雖有奇材，亦詎能獨成乎？因次原韻答謝，且及乃翁德業過人之意云。

山車呈瑞，日奎彩照瀛洲。絃誦巷如沸，賢良歲可收。
儒生開虎觀，學士朝龍樓。白雪傳聲奏，青雲逐趾浮。

諸藩咸嚮化，百度一同流。鄭館無衣敝，楚筵爲醴留。
越中維樂土，海北匪窮陬。士抱棟材美，民忘菜色愁。
南容邦有道，楊子宅何幽。竹樹鳴瑤瑟，梅花畫紙幃。
陶泓含巨浸，石枕縮丹丘。曾勵紛綸業，豈耽汗漫遊。
夜颺銀燭影，暮雨瓦簷溝。圖史幾刪補，蟲魚或輯蒐。
戒兒論類鶩，擇友貴除蟲。鞭策希天驥，衣冠慙沐猴。
神童真卓犖，俗物漫呀咻。珉玦誰比玉，芝蘭那化蘓。
賢愚知異種，淑慝易分眸。世上多豚犬，人間半豸虬。
孩心欣戲具，乳臭滿腥甌。坐使韋經蠹，強將班筆投。

憐君懷大器，師聖問皇猷。象勺舞文武，治平講戚休。
德音和夜鶴，孝奉杖春鳩。手撫清霜劍，身披紫綺裘。
風流應自喜，安飽復奚求。煙靄羽人駕，木蘭騷客舟。
壯遊經北道，歷覽入東州。嶺雪戴氍笠，海墩挂綵毬。
含毫觀景物，憑几卷簾鉤。能得江山助，不貽林澗羞。
奚囊携古錦，珍果滿行輈。秋日佩萸賦，春風攀柳謳。
只任舒羽翼，詎肯坐官囚。悔我出寒族，因人入列侯。
踈慵違世態，迂濶誤機籌。歲月恩徒渥，歸來學未優。
飄飄過故里，蕩蕩泛虛桴。筆舌聊成產，田園無處糶。

生涯依草莽，王澤仰雲油。昔願文驅鱷，今輸氣食牛。
雁鳴雖可免，驢技卻爲雙。古璞山藏彩，怪松石歷頭。
徒知悲屈賈，不復語伊周。孤憤一開口，多言又附疣。
桂林分剩馥，萍水散輕漚。以此忘年友，慰吾守拙謀。
清儀未得見，芳契已容修。傾蓋知何日，共譚禮樂秋。

蛻巖集卷之二終

